

玉

琴

齋

詞

初大要存於神

而點染深艷出脫輕俊

天乃諸全若清真此餘

字富而中雋無所不

詣其膝耳 余少喜

學詞每自恨香奩體

情當昇平遊賞之日

不能渺思以句以規摹

秦柳中歲悲歌佗係
之響間有所發而轉喉利
舌音嚙不能出聲比垂老
而氣漸已衰矣此余詞

所以不威也
懔懔心之作石姑

妻東和梅村居士題

題辭



昔人問詞何句最佳曰好似一江春
水向東流然小樓昨夜辛子牽机之
禍豈非恨即千載而下過余子為知
已從而和之可以波洗面之波矣宋
人佳句殊不多得 雨打梨花深
閉門遂用入兩調柳七楊柳外曉風

殘月脫胎魏承班漁歌子而稍公登
酒未免姑語不知霜風淒緊關河冷
落殘照當樓尤為切響此外二案
矣他如紅杏枝頭春意開尚書雲破
月來花弄影即中只以一句了其一
生詞家之矜重身價者此如余子之
清言綺語絡繹奔赴又何以于用多

取壽詞多者無過魏宿山者不能信
稼軒差強人意余子于此並能擅場
固知寸人無所不可猶記梅村賦滿
江紅贈余子云賭壘好尋王武子論
書不減葉思詩問後來領袖復誰人
如卿者且以定余
辛亥夏五長洲同學弟尤侗漫題

玉琴齋詞

下邳余懷字無

四十九歲感遇詞六首并序

白香山云四十九季身老日一百五夜月明
天蘇子瞻云嗟我與君皆兩子四十九年窮
不死余今年四十九身既老矣窮猶未死追
想生平六朝如夢每愛宋諸公詞倚而和之

聊進一盃正山谷所云坐來聲散霜竹也

桂枝香 和王介甫

江山依舊，惟捲地西風，忽然吹透。只有上陽白
髮，江南紅豆。繁華往事空流水，竄飄零酒狂詩
瘦。六朝花鳥，五湖煙月，幾人消受。問千古英雄
誰在，況伯業銷沉，故園傾覆。四十餘年，收拾
舞衫歌袖。莫愁艇子，桓伊遠，正落葉烏啼，昔淮

草堂人倦画屏斜倚盡；清晝

念奴嬌 和蘇子瞻

狂奴故態卧東山白眼看他世上老子一生貧
徹骨不學黔婁模樣醉倒金尊咲呼銀漢自命
風騷將樓高百尺峨嵋堪作屏障 追想五十
年前文章義氣儘淋漓悲壯一自金銅辭漢後
曾共楚囚相向司馬青衫內家紅袖此地空惆

張蒼奴打鼓聲、喚醒瑜亮

水龍吟 和陸放翁

白雲黃石人家山中宰相推前輩食似鍊湘
簾似水有人酣睡劒削芙蓉書裘玳瑁都無塵
累聽鷓鴣啼罷霓裳舞破千日酒真堪醉說
起英雄兒女哭東風幾番揮淚明年五十江南
游子九分顛顚白髮臨頭黃金去手負凌雲氣

待何時倩取麻姑鳥爪為余抓背

永遇樂 和辛幼安

壁脯彈箏杖予雪足慷慨如此壯士橫刀美人
却扇搃為多情使胃中五岳夢中三島不覺一
時墳起嘆浮生短衣破帽應羞碌々餘子 天
涯衰草斜陽歸騎認得舊時故壘四十九年青
樓白馬一覺楊州耳謝家安石王家逸少日在

風流叢裏從今後及時行樂逍遙而已

沁園春 和劉後村

老去悲糧。菊蕊盈頭、竹葉盈杯。正洞庭木落、宮鶯乍別、楚天雲淨、旅雁初迴。天許閒人、尋韻事、高築栽花十丈臺。催租吏縱咆哮如虎如我何哉。東籬更葺郊齋。鄰架上藏書萬卷堆。嘆年將半百、鬚髯如戟、運逢百六、心事成灰。莫話

封侯休言獻策只勸先生歸去來平生恨、相
如太白未是奇才

摸魚兒 和辛卯安

亂傷情落花飛絮惹春光不住佳人縹緲朱
樓下一曲清歌何處鶯無語誰傳道桃花人面
黃金總覆玉小女恨芳草王孫書生薄倖空寫
斷腸句江南好處花繁雄如故画舫多少簫

鼓吳宮荅草隨風雨更有千門萬戶蘇臺夢君
不見夷陵少小古塵空斜陽無主看鷗鳥忘機
飛來飛去只在煙波處

浣沙溪

五月五日紅橋裏古次王阮亭韻

纔到紅橋淚欲流一舸簫鼓楚江秋十年風雨
夢揚州歌扇酒旗搖綠水望中燈火不勝愁

舊時煩惱在青樓

前調

蕪城感舊次韻

燕子啣春入畫橈
蜀岡楊柳拂西橋
隋家宮殿
已煙銷
綠酒細斟人脈
紅簾吹送影迢迢
暮愁雙黛帶江潮

朝中措

重陽

今朝忽見鞠花黃
人道是重陽
杜甫登臺漁父
孟嘉落帽顛狂
隄柑如蜜
雙螯似玉
只恨他鄉
此日不宜虛度
吳山風雨淒涼

清平樂

寒月遇曹子
願於席丘
鐵花菴同登千
人石作詞以贈

相逢何處記得西湖路別後相思如亂絮北雁
南鴻飛去 今朝又會吳山青霜老盡朱顏囊
底黃金莫問匣中寶劍須彈

浪淘沙

家住在橫塘妾意淒涼虎丘片石晚蒼蒼縹緲
朱樓人不見一半斜陽 游子各迴腸虛擲年
光落花飛雪捻顛狂白酒黃雞拚共醉却是他

鄉

虞美人

傷心一帶東流水。意常如此。問君何事。返南
岡。只為悲。穉宋玉。鬢成霜。鸞坡鳳閣。空回首。
淚墮金城柳。夜郎不住。李青蓮。猶聽。獨兒迎吠。
木蘭船。

和李後主詞

首有序

李重光風流才子誤作人王致有入宋牽機
之恨其所作小詞一字一珠非他家所能及
也余以暇日觸緒興情抽毫吮墨輒和數篇
用自寫心匪闕學古然其麗句妙音如一江
春水則終難彷彿耳余嘗論陳李二後主宋
徽宗三君者使不為天子其才華流溢著作
經通當在鮑謝蘇米之上惜乎累於富貴狼

損以死身名俱敗甚矣天子之不如才子也
歎

菩薩蠻

松江春望

春風春雨何曾免斜陽芳草情無限燕子又來
歸門前雙柳垂江橋攜手上共向江頭望帆
影過長空人飛軟浪中

更漏子

贈美人

酒盈腮花鑷面背地風情誰見雖可恨
剗相憐只瞞頭上天枝上雨都成淚
滴盡兩人情意紅玉破綠珠實無端
春夢殘

山花子

寄小珠

碧海沉、月一鉤雙、燕子掠高樓鏡裏芙蓉
難得見恨悠、綠綺羅彈誰度曲紅燈結蕊
又添愁半醉半醒持不住最風流

虞美人

吳門感舊

鸚哥報道春開了春事知多少玉簫吹出一江
風昨夜美人攜手曲闌中銀塘珠箔依然在

夢境何曾改
愁人禁受許多愁
却憶十年零落
淚空流

蝶戀花

送春

柳畔花塘閒步
南國佳人來覺
傷遲暮
一點春光
留不住
可憐去則送他去
手內金針誰與
度
只聽梁間乳燕
呢喃語
燕子敲殘無意緒
夢

中覓个安排處

滿江紅

石湖稽迄十八夜不見串月

遠水殘陽縱一棹橫塘古渡還記得鬪雞走狗吳
宮煙樹雀舫閑然驚野鶴蟾宮不覺飛寒兔石
湖邊亂颭酒旗風愁日暮裂石笛回颿鼓美
人舫吳山路恨微雲遮斷清秋天府十八瀛洲

曾有約三千歌舞空歸去看橋西燈火五更紅
東方曙

菩薩蠻

寄我堅子

傷心又作孤帆客酒邊花外三生石飛燕夢中
輕遲君彈素箏却憶巫山雨背後嗔鸚鵡枉
作斷腸人紅雲擁玉真

水調歌頭

吳門懷古

夜半寒山寺鐘聲送客船
蘼風秋雨何限人醉
夕陽天當日吳宮歌舞六代鳥啼花落猶在酒
壚邊館娃何處是衰草逗荒烟
登扁舟游鶴
市聽唳鶴廡下齊眉舉案長
向北窗眠黃了洞
庭橘柚綠了白隄楊柳簫鼓自年年
寒食與重

九俱費買花錢

滿庭芳

橫塘伍氏園亭看桂香樓頭有見

添水當門高槐覆宅片帆吹過清籬誰家翠袖
縹緲坐朱樓下一軒金粟黃昏後香繞空篴
雙鬟倚欄杆十二鸚鵡喚浮鷗橫塘渡何許
季鷹鱸膾少伯扁舟但谿山好結伴來游東地

楓天幾里淮南桂
亂落甌難回首
玉簫遺恨
細雨送新愁

踏莎行

詠程翼蒼庭前雙桂無謝散花

金粟堆前玉皇案
側山阿殺盡清秋色
天香原自翰林來
瑤華却向蟾宮折
風雨重陽江湖
旅客看蒼苔
不忍花狼籍
雲中吹下蕊珠仙當年

閨苑曾相識

憶秦娥

却寄

蛾眉淡芙蓉暝日橫將半
穩將半畫樓微醉阿
嬌驚喚小橋日
：嬌痴慣甚無情緒
心傷亂
心腸亂慵拈鍼線
拋殘絃管

減字木蘭花

文君新寡獨自淒涼
明月下阿姊微嗔
斷送高唐夢裏人
朱樓如夢巧燕雙飛
尋小鳳愛殺崔娘
隔手曾聞荳蔻香

鷓鴣天

錦國夫人淺淡粧
杏紅衫子白羅裳
牕前不語調鷓鴣
樓上無心刺鳳凰
嗔宋玉惱襄王
狂夫狂極喜偏狂
他家縱有歲時鎖
一任梅花自

主張

沁園春

古香館夢歸白下寄夢珠

客寓婁東，秋水平橋，芙蓉晚開。携雙鰲紫蟹，拍浮盃酒，雙蛾紅袖，登眺樓臺。天下傷心，惟余與尔，分手消魂各自猜。真如夢，似錢塘江上潮去潮來。中季衆抱難開，空自恨高唐寂寞，迴嘆

香銷南國美人愁。病鳥啼東府。客子徘徊醉裏，
斜陽齊梁故壘。衰草茫茫，後騎催披衣起。但躊
躕四顧，斫地悲哀。

浣溪沙

贈蔣招歌者

素手亭、抱洞簫。雙眉蹙似女兒嬌。帶人魂魄
鄭櫻桃。一段巫雲飛玉樹。幾回團扇掩紅橋。

秦宮花底恨難消

南歌子

贈婁東歌兒張永

綠桂如人立紅燈照眼明
風流竟伯女傳婷更
有一床幽怨訴卿卿
張緒真如柳更衣別有
情板橋霜滑酒初醒
吹斷玉笙何處兩三聲

阮郎歸

清歌宛轉姝人嬌雙臉暈紅潮芳年不忍誤良
宵臨牋繡帶飄剛字舞恰垂髫微嗔也意消
何須更覓董妖嬈渾身是宋朝

減字木蘭花

幾乎斷袖似此丰姿真个秀愛食餘莖將就相
如渴已消夜來朝去對有巫山能作雨慙是
情癡說與旁人那得知

生查子

斷橋曉泊

風吹湖外橋雲鎖
隄邊路更鼓未分明
滴破蓮窗雨
帶曉畫雙蛾
殘月隨鶯去
花事已闌珊
倩燕留春住

清平樂

隔舫寄王亞西

小青蘇小不銜芳魂香畫出湘娥風月曉玉琢
人兒來了去季折取花枝隔簾愁感雙眉阿
母倚邊慙帶教人腸斷多時

玉漏遲

西湖待月

淡煙籠遠水美人新沐黛眉雙掃暮霞初分一
鏡涵波縹緲十里荷香如舊恨不見錢塘蘇小

青未了問嫦娥何事起來猶早
須臾月出東山看峰掛琉璃坡堆瑪瑙更況周郎顧曲英雄
年少不惜千金買醉但惜取天涯芳草歸路杳
直到橫塘清曉

大江東一名百字令

西泠醉雨和曹願菴

西泠橋下東流水今古也無住歌荷葉田田千

萬頃沍露凝香時節暮雨橫山晚風掠浦捲起
珠簾雪碧筒初勸醉看雲影稠疊堪咲富貴
神仙英雄兒女不忍輕離別松柏同心多少恨
我輩鍾情甚切愛殺殘鶯聲啼玉鏡臺空
設畫船歸去有人同載明月

五十進酒詞四首并序

余今年遂五十矣半生落拓雙鬢飄零閨苑

無緣雲臺竟遠白香山云青山舉眼三千里
白髮平頭五十人用為首句作浣溪沙詞命
紅袖歌之歌一闕聊進一盃歌罷陶然徑醉
絕似辛芻安唱千古江山時也余與寇萊公
同月日生處士魏楚猷詩云何時生上相明
日是中元王文公云寂準只是騷耳余騷
過萊公而窮同魏野天實為之謂之何哉

浣溪沙

白髮平頭五十人
隙中駒影夢中身
呼牛呼馬不須嗔
兒女英雄都是恨
神仙富貴竟無憑
三蕉聊破洞庭春

又

白髮平頭五十人
愧無寸草報雙親
雲飛壠首獨傷神
翁子采樵為郡守
公孫牧豕致平津

子陵吐：但垂綸

又

白髮平頭五十人讀書萬卷筆無塵江湖顛顛
往來頻南內笙歌悲六代東山絲竹過三春
北牕高卧葛天民

又

白髮平頭五十人當筵鮑老定誰真乾坤一點

寄空身 三萬六千場已半江山風月興方新
及時行樂莫逡巡

鳳皇臺上憶吹簫

送姜學在游金陵和顧菴

目現青精夢箇彩筆可憐張緒當年恰揚州煙
月新擁神仙又愛江南春色鳳臺下揮麈題牋
灞橋思在江淹宅畔孫楚樓邊 翩：五陵裘

馬儘湖山登眺詩酒留連嘆王家燕子飛去堂
前却憶新亭對泣夷吾淚灑向吳天孤帆遠行
看折柳卧聽啼鵲

蝶戀花

滴：聲：今夜雨敲斷疎簾不放東方曙芳草
殘陽留我住伊人又唱離歌去春水一江添
古樹君到秦淮問我家何處拋葉桃根淮上路

看君橫笛風前度

玉樓春

吳興燈船

玉湖風景今年換太守燒燈誰見慣
霓裳兩部舞山巔火樹千枝臨水畔
吹簫撾鼓歌聲緩城外樓船城裏看
與民同樂太平春五馬雙旌歸去晚

前調

元夕陰晦五更見月

元宵佳節晴無價十日春晴天官借金尊潑酒
：如渾銀燭燒城：不夜千條錦纜舟相掇
鳳舞龍飛星倒掛嫦娥何事出來遲知是廣寒
開宴罷

定風波

李公擇知湖州集蘇子瞻劉孝粹張子野陳
令舉楊元素為六客子野作六客詞後二十
五年子瞻知湖州集張仲謀曹子方劉景文
蘇伯固張秉道為六客子瞻作後六客詞今
吳園次來守湖州又為六客之會作三六客
詞

春到江南荅半開官衙疑是小蓬萊風月湖山

誰作醜相對千年六客共銜杯
雪似舊花霜似竹何處玉人吹笛
愛山臺却悟此身原是客
看取蘇張今日又重來

歸自謠

寫哀

昨夜雨碎滴蓬窓聲幾許
夢中唧唧聞兒女
殘燈無焰敲寒杵
人何處一卷半茶隨流去

又

今日雪獨對春山情脉脉；琵琶撥盡傷頭白
孤舟何事青衫溼歸不得溫柔鄉裏他鄉客

鷓鴣天

吾豈匏瓜欲問天青衫白馬恨當年平章風月
何須貴管領鶯花便是仙營矮屋種畝田漢
書一卷挂牛邊侍兒扶我前邨去醉上煙波范

蠡船

又

笑入花叢一帽偏白雲鄉裏住神仙稜：瘦骨
從來傲落：癡情老更顛 休學劍莫參禪天
靜地癭病俱全平生不得文章力燒却文章幾
萬篇

滿江紅

重游婁上小飲梅邨

春草江橋今

舊葦村城關還認得園名五畝

樓名嬌雪千个琅玕留翡翠一陂煙水啼華髮

最關情嶺上早梅開橫斜月平泉石曾移得

柳柳堪折儘經營丘壑惜蒼鴈執賭墅漫

心妓方池忽躍裝賓鑣看膝前三鳳已齊

飛

不奇絕

山花子為李雲田侍兒作

捧硯含香上小樓見人無語又嬌羞薄命自憐
同碧玉許多愁學字細描戎輅帖穿針閒補
鸛鵲裘瘦到九分還是俏最溫

念奴嬌

為雲田少姬周寶鐙題坐月浣花圖

美人何處看錦屏翠幙玉蟾高跨細骨輕軀清

侶雪掩映冰壺一把怨鎖青蛾情含紅豆柳色
搖江夏吳綃初展從天吹下圖畫當日蘇氏
朝雲白家樊素都是風流話愛殺霍王嬌小女
不分文君新窻月姊調笙花神按拍醉倒鴛鴦
社欄杆倦倚吟詩刺繡纔罷

沁園春

五十一歲自壽

自壽一盃花鳥江山煙雨樓臺杰吳霜點鬢形
容易改白駒過隙歲月頻催雙屐如龍孤筇似
鶴富貴於我何有哉英雄老歎青蠅獨弔紅粉
成灰 前身金粟如來天謫做人間鈍秀才況
漢宮芳草班姬憔悴江南枯樹庾信悲哀游戲
文章鑪錘仙佛錢鏐銅牆打不開吾衰矣正年
過半百一醉千迴

前調

題悠然閣新種木芍藥

宴寢凝香臺榭如雲齋閣如船賴圖書為主畫
屏作伴湖光縹緲山色悠然白髮張先青春杜
牧共醉苑荅柳絮邊晴窓外有高槐拂地芳艸
黏天移來種自今年對紫府真人碧海仙看
玉樓金縷花王富貴湘簾木榻竹影嬋娟乳燕

春深鳴鳩日午密葉殘枝蛺蝶穿花開後待扶
持紅藥醉倒青蓮

阮郎歸

答

偶然遊戲到湖州水嬉張水頭果然杜牧毚風
流雙鬟載小舟渾似夢却多愁溫柔鄉裏投
桃花消息上簾鉤欲住難得休

惜分飛 贈茗娃

寒食清明聊且住一郡春燈夜雨記得來時路
相思常繞吳宮樹小膽空房誰共語愁看遠
山眉嫵細把衷情訴落花飛絮人何處

青玉案

春感

傷心滿院梨花雨看燕子間來去節近清明天

已暮綠楊垂線黃鸝學語總在春深處
衰翁
作意憐樊素幾度消魂玉樓女絲竹惱人無計
阻博山香暖玉川茶熟只要留春住

阮郎歸

再答

斷腸人在白蘋洲玉笙吹小樓青鸞信遠夢悠
何須吟白頭
非薄偉且遲留鶯燕愁

雲藍小袖恁嬌羞情知不自由

惜分飛

昨夜落紅枝上雨又被東風吹住懶去調鸚鵡
怕他漏洩人言語敢把新人來比故我見猶
憐作主眼下蘇州路倩鶯分付風回去

望江南

秦淮好桃葉渡頭船飛絮一簾山入戶落巷三

徑水連天柳下有人眠

又

蘇臺好
蒼藪美人家
樹底流鶯啼
玉案隄邊駿
馬
倚香車
芳艸最天斜

又

西陵好
松柏結同心
錦纜東迴湖
作鏡畫橋北
去石為林
西子是知音

又

吳興好霞：有桑蠶洲上蘋荇白勝雪溪邊若
菜綠於藍風景壓江南

又

苒城好泖水絕堪憐舊日笙歌渾似夢近時花
月美如仙黃耳為誰傳

又

揚州好歌吹竹西清碧草纏綿新作夢青樓薄
倖舊知名欄檻一山平

又

禾城好最好是南湖烟雨一樓開玉鏡鴛鴦雙
翅洗春蕪舟子任招呼

柳枝 和劉賓客

余最愛劉賓客禹錫楊柳枝詞十首風流跌

宕照映江潭暇日依韻和成各言己之所欲
言不必雷同其意也薛能云纖腰舞盡春楊
柳未有儂家一首詩豈非妄耶

二月東風撲面吹吳儂愛唱竹枝詞杏花春雨
江南夜妾在高樓唱柳枝

常伴桃荅颺水濱嬌鴨啼老洞庭春江橋野店
渾無定愁殺館娃宮裏人

屬玉雙飛水漲時
堤邊驄馬日相依
胡笙羌笛
銀塘晚更有瑤琴手自揮

鳳子輕旂錦繡帷
暖風斜日點垂絲
朱簾乍捲
人初起翻取新歌教雪兒

綠淺紅深乳燕飛
陌頭金縷任風吹
行人墮盡
千行淚正是翩以欲舞時

病葉柔條中酒時
永豐坊角瘦腰肢
當年張緒

今何在盡日靈和對阿誰

陶令門前五樹垂亞夫營裏細如絲
無情最是章臺畔折盡青青不自知

綠煙如簇擁紅旗風絮漫天送客時
搖落江潭獨惆悵一株顚顚似將離

滿院春陰舞麗華樓臺高處夕陽遮
隋隄漢塞俱游徧只愛南朝帝子家

綠煙如簇擁紅旗
風絮漫天送客時
搖落江潭獨惆悵
一株顚顚似將離

調笑令

雜感

芳草芳草可惜玉關人
老西園公子初歸玉謝
堂前燕飛、燕飛燕莫入昭陽宮殿

又

駿馬駿馬繫向綠楊陰下舞衫歌袖郎當乳燕
鳴鳩晝長晝長晝人卧水晶屏後

又

飛絮飛絮飛過行人行處柔條弱不勝鶯鶯度
江南月明月明月一月一夜烏啼頭白

又

刺繡刺繡刺出鴛鴦豆蔻美人無語停針却聽

天涯遠人、遠人遠急把珠簾重捲

又

艇子艇子載得一湖春水
女兒十五嬌癡烏桕
花間手垂、手垂手休折門前楊柳

又

深院深院春鎖一庭幽怨
籠中鳥喚相思對語
金憑畫眉、畫眉畫張敞由人咲罵

又

羯鼓羯鼓敲落、紅無數珠簾縹緲悽涼吹笛
何人斷腸、斷腸斷盡影滿樵零亂

又

昨夜昨夜醉把花枝低亞博山香篆微倂生怕
五更鳥啼、鳥啼鳥人在十洲三島

又

捍撥捍撥金鳳雙盤絡
索玉壺紅淚如霞天女
親來散花、散花散消
受春光一半

又

歌枕歌枕不是愁
潘病沈花鈴護在誰家
鷓鴣啣來落苔、落
花落春滿碧雲池閣

高陽臺

賀吳石渠

壯寶年華士衡文采天教并作吳郎氣可凌雲
彩毫曾賦長楊春風初動春波乍軟仙舟遙帶
芹香看花忙拋李成陰蘭蕙聯芳 若家世有
雕龍手慣秣雄藝苑占勝名場才子風流依然
錦繡心腸青、汁染隋隄柳却飄颺浙水婁江
不尋常纔化鯢鵬又跨鸞凰

減字木蘭花

清泉白石我與盟心如皎日羽扇綸巾久作長
吟挹邾人 朱簾画舫十洲三島間來往錦瑟
香消華受佳人字莫愁

玉蝴蝶

詠抹麗花

何處異香來到枕邊衣上陣、清娛正使山礬
作婢梳子為奴恰相宜美人簪髻偏喜箇狎客

投壺配名花銀屏玉案鳳尾龍鬚
何如移來
佛國芬芳情性冰雪肌膚一朶輕盈當頭素月
照人孤助幽歡晚風含咲添酒興夜市傳呼世
間無天生尤物價比明珠

萬年歡

戲賀宗鶴問

一檐風流到湖州偶然遂成佳話恰遇文章太

守主張姻婭不待成陰綠葉間燕子幾時入社
鉤簾卷玳玉人來環珮逆天而下當時搖紅
燭影喜鳳臺蕭響揚州鶴跡酒暝香融惡把遠
山眉画莫道長卿將倦晁難得明珠無價如今
看孔雀芙蓉依然玉真初嫁

滿庭芳

贈張燕孫

戲蝶覆飛嬌鶯並坐却憶張緒當年永豐坊柳
春絮舞婢娟喜看五陵英俊金丸轉丰韻翩
東亭下舫巾被氅綠水映紅蓮冰清含玉潤
樊川才子緱嶺神仙到茗溪雲水搖曳觥船二
十年前心事迄今後搔首青天瑣筵醉筌歌徹
曉風月浩無邊

減字木蘭花

寒食

梨花如雪獨自亭、看夜月槐火將新春雨春
晴媚殺人 禁烟初斷愁聽笙歌來別院載酒
尋芳御柳東風引恨長

清明

一陂春水幾寸愁腸深似此今日清明傷盡他
鄉旅客情 天涯芳草說道江南依舊好我見

猶憐魂斷斜陽古寺邊

更漏子

菱湖汎月

子規啼春水漲三月菴花紅作浪晚色淨月光
寒漁歌驚夢闌人去遠湘簾卷萬里碧天如
染剛就枕又被衣依稀私語時

踏莎行

小飲飛來峰下蕭九娘酒壚

恠石飛來冷泉流去斜陽遠挂湖邊樹徐孺雖
老尚多情當年留下傷心句金粉全消雲英
何處楊花不肖隨春住青衫淚洒白頭翁醒來
猶記西陵路

減字木蘭花

初夏游靈巖山下俞氏菴

天堆濃綠新筓抽簷如碧玉小圃人歸壓架薔
薇螳亂飛木魚聲緩碎鼓零鐘山色晚髻攤
青蓮夢到三更杜宇邊

又

皈依淨土玉作樓臺瓊作戶借綠鄰家不受羨
蒼愛雨花嬌鶯新轉落絮游絲飄別院芳草
斜陽刺水殘山撻斷腸

百字令

丁未四月重游西湖

銷魂何處望湖光却是美人春
湊岸上青駝船
上女掩暝一圓紅玉眉
黛橫波錦茵鋪艸鏡裏
搖新綠當年西子嫣然笑
倚修竹登此百尺
危樓或晴或雨多是將人
福橋六竺三隻塢峙
更有孤山梅屋白傅隄
烟郭王墳樹幾度聞歌

哭溈天飛絮正逢茶暖櫻熟

沁園春

送草花種園次畫寄亭

江草江花百種迷人五色相鮮看紫絲步障青
油簾幕亭名畫寄閣歸悠然嬌燕初飛流鶯乍
轉恰是清和四月天憑誰送有花艸如錦柳絮
如綿春光欲去堪憐況目斷苕溪雪水邊趁

繁英繞砌能留蜂蝶綠陰滿眼好挂鞦韆五馬
朝迴雙魚夜到更有新題薛氏牋晴窗外聽聞
敲玉子暗撥瑤弦

滿庭芳

金太傅懷天堂賞罌粟花

獨樂爲園東山作墅春風着意相催懷天晝永
拚醉舉金罍却遇牡丹初謝雕欄外一藏花開

青絲障熱絲步障列錦卧蒼苔 空中翻五色
空三影畢竟難猜認本來面目明鏡非臺早
是春歸夏至花開後金粟成堆真堪美神仙富貴
丘壑小蓬萊

涵江紅

壽曹子願學士五十

江左風流曹子建人稱繡虎三十載南溪燈火

西園歌舞策馬鑾坡移日影看花鶴禁聞鶯語
藝金蓮照路御衣鮮剛夜午人共羨芙蓉幕
君自捉松枝塵况命遭魑魅才高鵬鷃豈有功
名同范富只留詞賦許徐庾待何年重到鳳凰
池登台輔

滿江紅

游白鶴觀訪曹頤菴

四月清和新雨後來遊白鶴何處是方壺員嶠
神樓仙閣侍從翩跹騎翠鳳階庭習習翻紅藥
待蘇公松下聽棋聲尋吾樂苔與雪曾同泊
風與月曾相約賴一觴一詠一丘一壑二老風
流林鳥喚三更夢冷檐花落幸時時過我草堂
中餐藜藿

鵬鵠天

初夏郊居

裊抱如何得好開
幅巾攜杖且徘徊
橋邊雨送金絲去
閣外風吹玉剪來
鋪細草
據高槐
鮐舡傾倒夢初迴
閒看白鷺雙飛起
又被鉤輦磔格催

又

小院溶溶日未斜
春陰偏戀野人家
半垂露箔

聞啼鳥全掩雲屏數落花
菱竹樹課桑麻樵
歌漁唱起天涯
歸來不覺溪山暮
卧聽池塘兩
部蛙

菩薩蠻

春遊

春旛搖曳蘼蕪淺
玉釵橫落平山遠
画舫鏡中行
隻飛燕、鷺
柳絲偏裊、枝上青梅小
細

雨正黃昏、隔花人叩門、

攤破浣溪沙

雨船

夏木陰森好挂罾、天公傾倒玉壺冰、滴破蓬牕、
敲破枕、不堪聽、幾樹雨淋批頰鳥、一溪波漲、
折腰菱、遙望小橋添水處、露孤燈、

減字木蘭花

楊柳

柳綿如雪飛過巫雲千萬疊
金縷如絲牽惹愁腸促畫眉
柔條在手挽住行人爭勸酒
細葉翩、淚墮金城憶少年

前調

半塘竹屋聽劉漢臣彈琵琶

燒槽鳳尾撥盡相思山共水
敲月遶身不是尋

陽江上人 劉郎未老要到天台尋碧州况是
他鄉一曲烏孫已斷腸

西江月

春閨

画檻拋殘鳳嘴薰爐熟透龍涎新鶯嬌轉欲明
天好夢看、漸遠 曉起慵梳倭墮春愁懶拂
蠻牋滿裏幽恨倩誰傳只有淚痕幾點

眼兒嬌

寄遠

春雨江南開春閨家住越來溪
妾腸空斷妾心空苦妾淚空啼
紅顏祇為浮名誤老大自傷
悲夢中驚覺有誰相喚枝上黃鸝

烏夜啼

端午

滿船綠鬢紅粧，午陰涼何處。五絲繫粽，吊沅湘。
蒲、雨、盈、水看人忙。長帶菖蒲艾葉，過端陽。

水龍吟

壽姜如農黃門六十

先生放逐，歸來吳門，山水從吾好。松筠氣節，冰霜心性，潛身屠釣。諫草皆焚，離騷罷讀，只傷懷。

抱看幅巾杖屨逍遙塵外尋鷗鷺為同調
開盡興三今古對斜陽幾箇歌嘯紫桑老子賦詩
飲酒不書年踰白髮催人青山傲世不須煩惱
願先生及此年々疆隄勝汾陽考

水龍吟并序

乙巳六月游武林任學士港之咲隱菴竹樹
陰翳湖水到門明月之夜則坐舴艋泛湖心

搖入萬柄綠荷中聽蛙鳴魚跳為樂丙午遊
署吳興卞山資福寺之綠雲堂巨蕩萬竿環
繞左右衣履帷帳皆浮翠色丁未休夏靈巖
法堂高敞深邃空洞無人檐前雙桂婆娑亭
々如車蓋三伏之餘亦復踈簾清簟高卧浣
花草堂前羅蕉圃後蔭豆棚金碾翠濤水盃
紫筍不知世間有炎熱地也今年歸白下棲

故廬既添金焦石倍于注時又患足瘡嘆逋
迹之無所作一詞以寫懷杜樊川云大勢去
酷吏清風來故人嗟乎去留之際豈易言乎
年々放浪江湖清涼世界容吾住盡舡吹笛冰
臺欹枕似游縣圃水漲南屏風迴雲館雲迷雙
樹愛波橫蓮葉香生茉莉添幾陣芭蕉雨况
有疎簾清簟草堂深素蘂浮碧雞初叫黃鸝巧

轉銀蟾乍吐白日義皇青山綺皓掃除塵土寄
愁天上埋憂地下消魂何處

漁家傲

寂音尊者作漁家傲詞八首以頌丹霞香嚴
諸老余依韻拈和以頌玄墓剖和尚雖言辭
蕪陋不足以仰繼高風而標韻寥然亦猶尊
者之志也

縹緲湖波微月露泐潭風起非無故雪壓香城
天欲暮何思憲靈空倏忽金光聚頭血滅人
剛十步阿誰敢擊雷門鼓折脚鐺邊無死語還
歸去全機現出西方路

右一

頂灌醍醐甘露滑大千忽被駒兒踏一雙佛手
懸崖撒真說法三玄三要全通達臘盡春回

花卉發曹家女在憑生殺擊狗斬猫魚再活非
抹撻白毫光焰燎鬚鬚

古二

冷澗寒泉無別路孤峰坐斷安家具百丈宗風
如目覩休誰語莫將時代分今古 平等慈悲
除疾苦鑑鑒一副烹龍虎大小空來聽囑付今
付汝慧公竹杖蘭公絳

右三

鄧尉風光無尔汝一川明月真如鴈把定死關
誰省悟頻回顧天花散落經行處無縫塲中
敷坐具拳頭背觸機鋒露欲報佛恩踰父母空
記取紙衣徧寫雲門句

右四

古佛威儀僧格調與人歡喜春風曉密：堂：

非自了惺、照一枝枯木千花繞 瑤瑤車渠
徒四耀全提正令揮玄妙臨濟高風誰獨紹
天表澧陽夜半聞長嘯

石五

天澹雲垂間捉麈盆中月在波心取枵老傾珠
江海注頻窺覷菩提樹下傳言語 齋辦愚痴
重說訢刻期坐脫非欺汝七十二峰橫暮雨淩

雲去紅爐優鉢無尋處

右六

百舌啼春荅信早香林雪海春先到
飴煮桃花方悟道葫蘆倒翻身傾出
神農草明鏡交光塵盡掃琳宮寶塔
唯心造慧眼靜觀分白皁無探討同
衆只剩靈巖老

右七

千尺垂絲春浪香雲開
慈嶺霜天曉無數塔鈴
驚海鳥拈花咲水寒
夜靜空垂釣 向上機關
藏法要任山翁已收靈
妙雪壑冰巖寒嶠峭孤
光照滿堂木佛都燒了

右八

沁園春

祝羅瑕公七十

擇壁先生卜宅江南避世壩東嘆學書學劍
無成就種瓜種菜空老英雄茗枕香濃筆床色
豔人在閑庭細雨中疎簾外任科頭箕踞弄月
吟風飄然疑白頰紅真不減當年桑苧翁愛
琅玕半畝楚天綠淨琉璃一匣吳樹青蔥解脫
辭高逍遙遊遠惟有鶯花不負公樽杯羨君
家老結百歲如童

填詞宗派出代南北宋各擅其妙近人惟
將橋玉田附會竹西六家自為皆未之寓
目焉是與知此事耶觀梅村題中舉
叔翁金荃謫真而歸之學富才集之步所
不謂於勝可以知前輩誠不可輕及矣
嘉慶癸酉歲八月下旬兄和程慶行觀并識

梅部旧序溪心手蹟枯常弄賦此本可稱

三絕嘗銘家當於世手其提問披閱

多如射古人焉賜以孫星



題
癸亥年
重九

戊午八月下旬江都梁公鈞觀于城南龍塘書畫作

水調歌頭

祝吳梅村六十

五畝園中叟白髮老青門當年文章太史聲價
滿乾坤一旦後庭花落憔悴綠珠紅豆芳草怨
王孫蕭瑟郊居賦吹笛到羌村 衰玳瑁巢翡翠
壓崑崙誰歟敵者此事不得不推袁君自低
頭東野我自傾心北海難與俗人言富貴何足

道高卧且加餐

摸魚兒

問先生今年六十閱盡許多今古鸞臺鳳閣麒麟殿都是劫灰塵土差堪語笑只有東山絲竹西陵樹消搖塲圃對曲几匡床疎簾清簟抱膝吟梁父
鶯花社常見髯叅短簿能令公喜公怒禍衡空自題鸚鵡何況滕屠鄭酷直遲莫若

不見通天臺表江南賦葵榴正吐香子晉吹笙
成若擊磬撫碎花奴鼓

沁園春

祝二寄老人七十

公主墳傍有屋三楹有竹千竿問誰將水種東
陵侯老誰將酒澆並澤休官傲骨峻嶒鼻聲慄
慨眼見奸諛魄已寒今何世正黃梁乍熟夢醒邯

邨 勸君高卧加餐楊柳外披襟獨倚闌看朱
門富貴都成列范白頭兄弟幸得團圓棋墅風
清伎場月朗江左風流想謝安何須恨到礪谿
八十尚可登壇

念奴嬌

自壽

重開三徑喜江南狂客為余稱壽除却卧龍與

水鑑不是鹿門朋友明日中元今朝脩禊多買
烏程酒惟呼六博殷勤只少紅袖我已五十
加三神仙富貴早撒英雄手地軸天河俱震動
幸有故人依舊白髮飄零朱顏憔悴愁對金城
柳酒闌歌罷當頭明月如晝

賀新郎

賀周龍客新婚

今夕是何夕。雀屏開風雲。四會神仙雙。謫画燭。
錦茵迷閨苑。咫尺銀河不隔。剪一片芙蓉秋色。
裘馬翩。真少俊。把紅蘭斜倚支機石。香世界。
擁珠璧。揮毫頌曲。吳天碧。恰相逢。雒陽才子。
風流南國。堂上老人。絲竹興不兼。崔家三戟。更。
喚取桓伊吹笛。詞賦郵枚。喧四座。况尊前。麟脯。
麻姑。擘人競看。乘鸞客。

滿江紅

同邵村省齋集空鴻浮白軒聽曲二首

縹緲斜陽佳麗地燕飛華屋何必羨神仙富貴
瓊臺金谷移我置身圖西裏有人共集團林福
問今朝消却幾多愁三千斛 逍遙館君能築
清平調君能續愛朱顏白髮婆娑松菊四海英
雄焚筆研小窗兒女工絲竹看曲終江上數峰

青蛾眉綠

又

自笑狂夫何處是埋憂之地攜手過城南韋杜
偶然遊戲亭榭舊依江松宅笙歌合奏香山伎
惟次公不是醒而狂公真醉青衫客偏嫵媚
紅豆曲傷顚顚論四時風月清秋為最莫倚善
顯鵲賦且教照見鴛鴦字倩周郎一顧轉春

驚屏花碎

百字令

祝姚伯右六十

詩人老去美奚囊收拾江山風月紫萸綠萼池
上閣人地果稱霞絕病沈當年渴羌何處花儘
盈頭雪逍遙物外醉鄉不墮塵劫古有春勅
却梅君家傳硯愛一枝冰骨芳草斜陽無限事

紅豆早生南國白髮穠娘青衫司馬把酒聞鷓鴣
天風吹曉笙簫多在瑤闌

集飲陳原舒寓園

南岡小巷問何人款客孟公投轄百尺高樓君
獨卧剥啄花間鶯聒霜葉翻階露葵堆砌掩映
陳蕃榻斫地悲歌一時真是狂殺 剩此六代
江山供席頭驅染儘發揮痴點插劍酒酣肝膽

出莫問魏三張八秋水當門江魚入饌勸爾休
彈鋏斜陽歸騎兒童笑指紅頰

壽鄧元昭

鑿坡仙客論文章芥價以稱燕許却自東山高
卧後人望韓雲傳雨江左風流汝南月旦談笑
傾尊俎園林花鳥一時收盡吳楚家傳架筆
珊瑚看徐陵吐鳳陳思繡帟五岳名山遊已徧

曾遇當年鍾呂袖攬浮丘丹尋勾漏汗漫供揮
塵神仙富貴不兼容成彭祖

水龍吟

飲其皇水閣

江南一片穠光起來早控孤山鶴偶然行過烏
衣巷陌綠楊池閣憑君寄取臂中規壘眼前丘
壑看碧雲縹緲白鷗浩蕩暮換世人如昨多

少朱門空宅鎖煙波藕花零落蓬萊清淺英雄
老矣急須行樂舡玉同傾簾鉤半捲麴塵依約
到重陽最是——年好景莫教忘却

浪淘沙

前題

秋水一襟涼鬢點吳霜西風吹袂藕花香凭闌
無限傷心事對此茫茫何事竄顛狂酒入愁

腸江東願曲有周郎、斷魂消不得付與斜陽

滿江紅

壽省齋

江左風流床上客同空見慣君徧是獨清獨醒
不婚不宦涉世久知滋味薄鮮榮頗覺情懷淡
看謝安宅裡一庭花秋將半為侍從居東觀

歸林下居南澗况髮衰潛岳情深
蘭皋劉四罵人非使酒陳三忍凍
無長歎問何人多得右軍書籠鵝
換

祝園次五十

有酒如澗換一醉勸君千歲君
本是烏衣王謝竹林嵇阮萬丈
光芒藏肺腑九州浩蕩供驅染
守吳興頌已三年聲名遠風流
事傳絃管

亭皋句書團扇况煙霞滿壁冰霜堆紫久老持
觴迎馬首兒童擊壤歌庭畔問使君何許寂關
情民同患

賀友人生子

綠葉成陰竟可做三生杜牧剛則是弄簾錯寫
送麟新浴掌上雙珠休恨晚心中萬事從今足
試教啼文葆緇衣選人如玉宜男草階前出

燕山桂庭前馥況華筵錦席滿堂絲竹引子崔
棲松樹古將雛鳳向梧桐宿待他年跨竈大門
閭何須卜

祝茆再馨四十

宛水姑山却画出雙蛾秀色人盡道洛陽才子
瀛洲仙客荆玉有名何待剖驪珠在掌無人識
儘風流王儉幕中依芙蓉碧君自有穿楊技

君自有如椽筆看子山詞賦江關蕭瑟四十好
伸鴻鵠志八千定鼓鯢鵬翼喜今朝壽酒醉昔
堂爭浮白

沁園春

題坦夫想之園

南坦神樓東溟蜃市幻結名園論古今旦暮煙
雲倏變乾坤漚露丘壑空存大地吾廬伊人宛

在不費經營景物繁依稀見風吹樹色雨點苔
痕 神仙定有淵源看思邈公和舊姓孫念家
傳清白不求田舍鄉稱廣漠不設墻垣想屬非
夢成棚 明月三分半在門隨身是朝川作
画金谷開尊

踏莎行

遲菊

帝女霜濃鯉魚風驟燈前月下枝、瘦與君曾
結歲寒交、重陽已過還來就、怕見芙蓉喜看
橘袖、陶家甕底清香透、東籬十月未開花、江梅
又在花開後、

蘇幙遮

晚鶯

晚沙汀、秋柳岸、老矣徐娘、猶向花前、轉枝上青

霜紅葉滿換却流年不把金衣換
倚銀屏憑玉案多事斜陽送到佳人眼
燕子先歸魂已斷
待到明年又向花前見

漁家傲

歸雁

秋盡江南風景異衡陽消息斜陽背
黯淡浮雲天似水尋歸計書空咄、無留意
冷月寒烟

家萬里幾行疎密如兄弟回首平沙霜滿地真
歸矣一聲叫落征夫淚

蝶戀花

落葉

陽、白雲常作雨紅蓼黃華爛熳秋將暮半夜
西風霜著樹楓林繡色愁無主 派出御溝無
覓處只有山家掃去依然聚渭水長安剛得句

灞橋驢背還相遇、

青玉案

思鄉

糴來夢繞秦淮路、看天外、鴻飛去、帆影斜陽邊。
笛步、美人歌扇、酒徒裘馬、恁是關情處。綠楊
紅豆今遲暮、昨斷家鄉霜滿戶、陳花梁臺狐與
兔、烏衣巷口、杏花邨畔、一夜溪堂雨。

念奴嬌

垂虹亭下慶生朝自壽

垂虹亭下看平湖秋水連天浮碧恰是四更山
吐月重見今宵七夕釣得鱸魚沽來却酒鷗鷺
為賓客狂歌痛飲柳橋風露如昔久已泛宅
浮家英雄老矣五十頭空白萬斛閒愁堆滿面
那有推愁計榮天在闌干人歸圖畫高處星堪

摘江荅岸草松陵無限蕭瑟

壽園次

去年今日愛山臺
賀客紛如市
忽地西風吹
落葉吹到吳山越
水鵲尾鱸開螭頭舫
動花月
隨蘇子醉翁扶醉風
流原自如此
堪笑傀儡
排場炎涼世態爛熟思之矣
一覺揚州春夢醒
莫論昨非今是
劉寵錢無魯公米盡
只有文章

耳凭闌柱頰赤城遙見霞起

祝蘇敬身五十

若耶溪上筒高臺飽看天公玉斝尊酒草堂苗
我醉愛尔髯鬚如戟小楷黃庭長歌白紵儘作
閒家計當時王謝風流豈遂難繼 氣喜木假
山翁蒼顏皓髮頽眎庭前桂五十年來詩酒債
贏得心空及第湖海元龍文章繡廟磊落今之

世山陰前輩百季原姓朱氏

賣花聲

人日梅花

人日見梅
花開在林
家香雲
冉冉影
橫斜酒
暈生潮
人欲醉
一縷紅
霞冷蕊
墮清
笳鳥雀
無
謹風吹
殘夢遶
天涯不
是梅
花辜負
我負
梅
花

滿庭芳

壽陳母雙壽

懸圃風和瑤臺日麗紅雲捧出西王德星初聚
堂上奉高堂太母年開八袞含飴弄孫是薇郎
神仙府婦姑對笑薰透九真香敬姜傳母訓
熊丸公綽荻畫歐陽喜歲周花甲膝遶琳琅月
映元龍百尺宣文帳阿母稱觴星還聚絳桃將

欵梅柳競春芳

武陵春

春雪

搖漾枝頭春信早
非絮又非花
拍：闌干堆玉
屑
天女散天花
詔催滕六翻銀海
萬馬踏瓊花
誰是林逋處士家
忍凍看梅花

金釵對芙蓉

初冬集愛山臺聽雨

桐葉飄霜菊蕊花
點雪斜陽半捲簾
正西風送冷暮雨鳴簷
故人又會高臺上
把雙螯斗酒頻添
凭闌一望山迷天外
嶺隱山尖誰是愛菊
陶潛對東籬殘蕊
鼓掌掀髯嘆三生杜牧
零落江南季、此日懼長在
玉簫聲吹入香奩倚樓
窺鏡批燈擊鉢險韻重拈

行香子

半是山家半是漁家
閉門時種菜種瓜
羊裘老子高枕煙霞
看一軒雲一庭草一闌花
世間名利蟻穴蜂衙
數千年帳簿難查
閒來無事不
禁誼譁聽一林鶯一聲鶴一池龜

驀山溪

飲學在乳魚軒
遲如農先生不至

停雲止水、一片溪光碧、檻外柳枝垂、叫黃鸝春
殘幾日、菱葦新葉、點綴小斜川、中更有、鶯邊鷗
宿作閒賓客、琴書親戚、知是淵明宅、留我坐
東軒、看綠酒青梅頻設、先生杖屨、深夜不歸來
還向、取外君家、剪燭同浮白、

木蘭花慢

前題

老農漁老圃問此地是誰家正紫燕歸梁白鷺
浮水粉蝶排衙陂塘漲東風暖小山邊開遍杜
鵑花玉版新篁褪粉金錢蓮葉含芽 閉門閑
種邵平瓜漁釣是生涯況公子西園佳人南國
醉帽欹斜來往風流二老聽乳魚軒外一池通
池滑清香芳永盤堆爛熟枇杷

定風波

郊飲

攻破愁城賴酒兵
溫柔鄉裏踏歌行
昨日綠楊橋上過
喚我枝頭求友是流鶯
一舸隨風花月底
誰似白頭老子氣
多情鷓鴣鷓鴣還共語
記取玉環飛燕倚銀屏

踏莎行

春丹

柳絮粘天蘋花迷路中間覓个鶯啼處春波縹
緲漾春帆斷腸人倚朱簾暮芳草多情亂山
無數橫吹玉笛風前渡勸君切莫聽催歸倩鶯
苦死留春住

玉樓春

初夏焙茶

鬚頭水漲鷗波杳夏淺勝春蝴蝶小紅沾杜宇

淚邊花綠遍謝家池上草
鈿箏低度西窗曉
乳燕初飛鶯未老水沉煙直透
茶香睡起玉川
風味好

少年遊

夏院夜坐

浣花溪畔輕雷細雨携手暮春天
渡香亭下禿
衿小袖彈破十三絃
陰陰夏木槐枝桐葉濃

綠到眉邊夜：閒庭疎簾明鏡人與月嬋娟

河滿子

書懷

玉笛吹殘花影紗幮涼透屏風殿勤團扇渾薄
倖綠牕遮滿梧桐心字香燒硯北催詩雨過墻
東初到睡學鄉懶還來酒國書空青山一片
生涯在中間著个衰翁無限夕陽芳草閉門老

盡英雄

浣溪沙

山莊夏景

蟹舍魚莊霽士家
綠蒲烟水一溪斜
亭堆春甕
掃松花
夢浪細
翻田字錦
竹風輕
送挂瓢車
閒尋農父話桑麻

清平樂

崑山道中

玉峰煙翠山色渾如醉
柳橋風緊楊花墜
點點離人垂淚
橫波潋灩船迴
笛中吹落江梅
我在碧雲深處黃鸝兩個飛來

南歌子

雨過試新茶

一院槐花雨
春波泛玉舫
冷金箋換濕紅牋
更

有銀餅烹出小龍團
匣鏡凝宮月屏山吼瀑
泉素瓷傳過藥闌邊
漸喜簫聲吹送蔚藍天

七孃子

夏夜寄金陵故人

雨簾風簾圍修竹
向芭蕉借取窗紗綠
六代青山故人何在
傷心不唱江南曲
夢短愁長魂
斷續歎數莖白髮年
禿花史重修醉鄉新集

待君同采東籬菊

采桑子

聞曲

博山鹽土香風細
烏桕花開雨濕菱苔紅
豆新聲何處來
玉簫金管催人醉
月映池臺願曲傷
懷恁入歌梁十二釵

桃源憶故人

題畫

斜陽荻岫連秋水
嶺上白雲時起疊嶂層巒暖
翠人在清溪底
杖藜嘆世者誰子只愛松風
洗耳牛背晚煙旂旌一棹家千里

鷓鴣天

半枕蘋風午夢時
殘鶯聲喚醒來遲
紗窗滴
芭蕉雨隔水人家唱竹枝
慵弄笛
漫敲棋
黃庭

綠綺是吾師神仙妙藥誰傳授一味清閒一味
癡

卜算子

夏雨泛舟

曲水暗風荷遠岸垂煙柳畫舫釣簾近白鷗雨
意濃于酒綠漲鴨頭肥黑壓龍鱗厚世間何
物氣天斜弄笛佳人手

柳梢青

感懷

小樓吹笛藥欄花榭誰家春色薄倖揚州風流
江左捻成靈擲夢回酒醒天涯問往事一床
蝴蝶白日羲皇青山綺皓有人消得

生查子

詠燕

生小戀雕梁軟語留春住有意向西飛只在花
深處輕身點細波嫩尾拖芳樹社日要辭巢
不分將春去

減字木蘭花

西湖

西湖雨後弱柳天垂牽小袖煙艇穿花草綠裙
青一道斜江南腸斷乳燕新鶯啼別院何處

魂消碾破香塵十二橋

春光好

梅雨潤芳衫輕啼鶯幾曲屏山藏小玉恨傾
城扇底訴出衷情不須撥阮彈箏五月涼風
吹髻影酒初醒

滿庭芳

騎省飄零蘭成顚顚十年腸斷江南心長髮短

歌帽不勝簪六代繁華何似桓伊笛吹徹羅衫
裁五柳逍遙吟詠漉酒對陶潛晚來遊別院
一簾風絮幾片煙嵐見玉鉤斜挂共影成三只
有青蠅弔客英雄淚空灑吳蠶黃昏後杜鵑花
謝高卧枕牙籤

清平樂

却寄

館娃宮柳折在行人手啼殺鶯兒天也瘦恰好
三分中酒 偶然瞥見消魂渾身雨氣雲痕送
此朝：暮：休教辜負真：

海棠春令

春閨寄遠

銀塘水溢菰蒲嫩鈎簾小花間香褪闌草倦無
情關鴨消閒悶 羨溪路遠書難寄空寫紅箋

方寸待燕晚歸來為我傳音信

玲瓏四犯

夏遊

不許春歸苦畱得江山千里如畫蝶舞鶯啼小
院綠陰初夏新竹鳳尾拖墻又冒得花枝低亞
問世間何為清福閒字果然無價賣魚門巷
停煙艇午風吹水楊之下綸竿勁直羊裘冷不

入漁樵社待到山月湖邊湧出是故園清夜卧
船頭仰面青天一嘯真野人也

更漏子

歌筵偶贈

小蠻歌么鳳舞我與鶯花作主彈綠綺按紅牙
巫山是妾家 裁消魂君落魄咫尺銀屏間隔
春去早夢來遲相思知不知

山花子

懷園次西湖

楊柳風吹湖上柳
段橋煙月鎖愁人
杜宇聲中離別後
幾消魂
水漲堤橋分雪浪
花迷洞壑擁香雲
客處襟懷閒處著
易黃昏

虞美人

春愁

花、葉、枝、嫩感損柔腸一寸拾起半天風
韻蝶懶鶯慵困紅牋倦寫紫愁悶自覺與春
無分睡鴨池塘雨潤點、離人恨

紅娘子

贈漁父

小、蜻蜒舫曲、荷花蕩兩岸垂楊一橋斜月
送君來往聽春鳥聲裏與行人且留春不放

竹影茶蘼釀魚沫平蕪漲細雨斜風書舟畫扇
荻蘆門巷倩麻姑搔去許多愁且隨波飄蕩

鵲橋仙

寄楊炯伯

楊柳津頭魚花欄外多少斷腸芳草故人傳夢
到江南待喚起催歸雙鳥陵煙湖雨斜陽衰
髻驚問六朝人老醉鄉真是醒無期顏與子平

分仙島

好事近

自題縹雪齋

懶與病相兼
卧看春風蛺蝶
只有瑤琴挂壁漏
松間明月
蕭然一室
坐維摩
名利都休歇
忽見散花天女
踏洞庭縹雪

水龍吟

雨中寄題侯記原明月堂

朱藤綠篠園林湘簾畫捲人如玉一軒梅雨半
欄風絮燕巢華屋萬柄荷香幾枝榴豔鴛鴦雙
浴想昂頭初漲未頭生耳溪堂下疑空谷自
我扁舟去後撥三絃誰翻新曲夢繞西池魂消
南苑顛騎黃鵠玉蕊坡前碧環窗外屢敲霜竹
小斜川眉山父子夷門重續

滿江紅

送宗荔裳北上

祖帳初開止不住金臺行色羣英會王家子弟
謝家賓客齒齒池邊屏列錦蒲萄架下尊浮雪
唱驪歌折柳上河橋真離別梅花賦心如鐵
高唐館風生腋贈斷腸詩句大江南北盡舫秋
傳蒸戍雨津亭夜醉長淮月待何時落葉滿長

安朝天闕

滿庭芳

送李彝長北遊兼寄紀伯紫

紅藥翻階黃花繞砌送君舟過吳山津亭堆館
吹徹玉笙寒試問金臺何似高千尺聳出雲端
扶殘醉捶琴聲筑長嘯倚欄杆偶然思慙叟
鷗觴遙勸雁柱空彈羨芙蓉淥水幕府清懽愧

我青霜點髻人顚顚不遇裴寬重陽後短衣匹
馬落葉滿長安

念奴嬌

贈宣城沈方鄴時方鄴歸自潁南

潁南何處把沈郎詩句香生茅屋偉幹修翮湖
海氣萬卷便々盈腹興助江山情深花鳥聲歡
柯亭竹華床硯匣幾番消受歌筵我愛宛水

姑溪玄暉太白寫出人如玉今日相逢吳市裏
疑是梁鴻梅福和女悲秋倡予吊古被酒撫琴
筑重陽節到東籬正綻黃菊

贈女郎文璧

兩峯秋水問美人何處盛金屋小袖雲藍寒
擁髻細草香生空谷扇底青山曲中紅豆縹緲
人如玉秦娘容與夜深同倚修竹眼前西子

西湖三年一覺好夢憑誰續如此消魂能有幾
消去愁塵千斛杜牧題詩嵇康縱酒恣是開來
福六橋風月一時分付油犢

水龍吟

同宋射陵張雲山陸冰脩飲黃大宗寓樓

斜陽驢背歸來羊裘細洒西湖雪青衫客到烏

醉倒仙山樓閣。安子彈琴。湘靈鼓瑟。暗轉陽春。
脚百季如此年。同慶菴樂。

祝楊炯伯六十

鹿園偕隱對鍾山。屏幃閉門高卧。我愛器之真。
錢漢與我周旋。作我菊綫。東籬酒傾。河渚種菜。
為功課狂歌。痛飲滿眼雪花飛墮。可惜千古
英雄。吳霜點鬢。襤褐空穿。破自許風流江左。日

一洗幽人寒餓氣吐虹蜺文成龍鳳異骨真
座君今六十休教百歲靈過

祝盛有終七十

先生七十喜尋花問柳瀟然行樂愛此六朝佳
麗地收拾荷衣芒屨用酒為年將暮度日翩若
雲中鶴橫琴投塵疑在仙山樓閣為問璫玉
渾金古心道見位置宜丘壑結伴逍遙閑杖屨

來往東皋南郭紅豆花開綠楊風起共赴游春
約一湖煙水朱簾縹緲如昨

百字令

祝王烟客奉常

神佛富賢看桑田滄海幾番更變家世蓮華王
儉府簇南金東箭江左風流山中宰相細語
堂前蕙園林花鳥太平盛事重見 優游北館

西田法書名西外國俱傳遍龍馬精神驚鶴性
老矣猶然強健五葉簪纓百季禮樂家微文
敲老人星瑞一杯桂酒相勸

滿江紅

題尤展成小像和韻

歸去來兮修素業神仙楊許還記取江山風月
閒人為主方麴障遮三里霧流黃蘗落千峯雨

問當年快馬出盧龍今何處
湖一曲誰賜與
書萬卷名延佇正長吟挹膝大觚先踞暫折圖
綦安石最急呼解襪花奴鼓且披襟金鏤撥琵琶
空中語

黃山谷曰空中語耳

若于踞觚而聽

又

尤物移人論才鬼讓他周柳同游者梁園詞客
馬卿枚叟修竹林中尋鹿夢蓮花池上推龍首

水哉亭可是仲宣樓若曰否
霓裳舞復垂手
離騷曲誰開口喜文成五采豔歌三婦避暑湯
搖雲母扇消愁合醉縹醪酒待何季海上看雲
回人牽狗

祝金孝章七十

金粟如來對皓月長吟抱膝在陋巷蓬蒿三迳
嗜書成癖文成十賚華陽隱花生五色江淹筆

指牆東避世是何年山中曆
拖竹杖煙嵐赤
舫西舫鷗波碧問先生初度今年七十湖海元
龍常嘯傲江關庾信終蕭瑟坐閒房春艸向人
青堪浮白

祝尤展成尊人光遠菴八十

烁水芙蓉楊柳岸神僊同降翁醉矣蒼顏白髮
鹿中鶴鬢招來九老香山侶圖成四皓商山像

遂初堂彩伴笙歌著英樣
疏池館居廉讓
邀賓客傾家釀愛紅樓白社風流來往八寶莊
巖才子座千峰環繞先生帳待他年百歲製舟
車遊蓬閣

鷓鴣天

王長安拙政園晏集觀家姐演劇

秋水芙蓉繞畫廊朱樓縹緲半斜陽
參差鶴舞

堦前對宛轉橋通竹外牆
披翠被擁紅粧柳
欹花醉惱襄王笙歌院落人歸去
歸路猶騎白鳳皇

天

麗人演壯丹亭驚夢邯鄲夢舞燈橋苑
龍代觀者消魂

戚里風流擬晉卿
西園重集闔閭城
清歌妙語紅
麗細骨微軀
熨輕驚夢香舞燈明
疎桐缺月挂三更
溫柔鄉裏神仙降
十斛真珠滿

地傾

玉樓春

前題 王長安拙政園宴集

華堂列炬堆紅雪
碧串玲瓏搖片月
海山初湧
見蓬萊樓閣新開
疑太液
輕綃十尺遮羅襪
洛浦流波驚落葉
素娥幾隊出銀屏
絳樹雙聲橫寶瑟

又

祇應天上聞新曲何處人間攢碧玉燈弄瓊娜
聞膏肢画裏分明傳竹肉紅絲步障圍金告
十二巫峰猶恍惚歌成白雪妬周郎喚起紫雲
留杜牧

滿江紅

梁溪喜遇沈方鄰即送歸宣城

游過江湖貂裘敵鬚髯如戟逢君處二泉亭畔
九龍山側四海爭傳枯封賦三季浪作臨邛客
步兵厨有酒且同傾狂浮白擊幾度中流楫
看幾緡登山屐奚囊詩句成編累帙細雨夢回
東壩路好風吹送宣城宅到羗村驚見杜陵人
曾相識

百字令

祝吳蘭次夫人黃氏

陽和初啟舞山香
荀風婀娜象服軒
人道是舊日牛衣
魯褱五馬功名八
龍家世王謝稱江
左
齊眉舉案凝香晏
寢深鎖眼見褰褊
黃金
玲瑯火玉早證仙
真果磬擊湘陰笙
一簇共食
圓
飛七顆夫乃僊郎
兒為才子冠幘當
中坐茗
花如雪優曇忽現
千朵

沁園春

題池上鴛鴦圖為尤展成

地近南園綠水池亭紅藕谿堂香渡江迎接
根桃葉隨風縹緲垂楊何處飛來文禽錦
翼雙宿雙栖對夕陽湘簾外有珊瑚作屋玳瑁
為梁芙蓉帶本成雙況小袖雲藍闌曉粧喜
空天過雨遠山眉嫵四更吐月曲沼蓮香船繞

蛟龍賦傳鸚鵡玉鏡臺高翠羽光真堪羨、水
哉軒東圖西鴛鴦

寄袁龔芝麓尚書即用和陳其年韵

寄語尚書一壑一丘自謂過之者紫絲黃絹誰
能遣此青鞋白襪不可方思齋閣芙蓉軒墀鴛
鶴醉後悲歌詠楚辭吾何恨、南雲北雲阻隔
音徽 尊前玉屑罪、但遠上孤城雁影稀喜

鄭公嫵媚行間帶秀楊雄雅淡字裏多奇七寶
莊嚴九珠燦爛風雨蛟龍落紙飛吾何顧補
天縮地對面標題

又

旗鼓中原橫海臨風跋扈飛揚羨謝家安石逼
人疊衛家井賢對此茫鐵笛頻吹鈿箏初
試碎擊胡琴學子昂緣何事竟酒酣耳熱髮短

心長 無端誤入名場縱玩世欺人也不妨愧
衰時詞客江關蕭瑟救時宰相廊廟迴翔君賦
梅花我依桂樹各有凌雲錦繡腸遙相憶蓬
山紫閣控鶴騎羊

又

有酒千觥有菊半軒有琴一張喜綠簑青笠不
知姓字赤松黃石算論行藏春夢婆來信天翁

去病馬驚嘶哭戰場君憐我是衣沾楚雨髻點
吳霜疎簾透出新涼愛六代風流老是鄉况
石頭城下歌殘紅豆摩訶池上舞罷霓裳五願
徐陵三生杜牧兩漿春颿挂水楊逢入問：秋
風乍起何處鱸香

賀新郎

夏夜書懷

四野雲為幙，畫偏長。露香庭院晚涼新，霽留得
英雄兒女在。即是神仙富貴，恰隻有北山松桂
今古茫茫。無處問偶然，間誤入笙歌隊。灑幾點
桐花淚。青衫白袷，茲何世，巫堂深。玉簫團扇
倚屏微醉。日煖風和，蛛網細。麾不去酒紅眉翠。
楊柳垂絲，荷葉小。看銀塘雨過珠璣碎。吾儕共
推枰，賭

念奴嬌

張友鴻招諸同人晏集鴻範堂觀劇女
郎帶初備酒

雲間高會正湘簾如水宮鶯初囀銀燭金杯開
綺席坐上遠山眉淺功夫豪華茂先博與西事
君兼擅隨身歌舞驚起西梁巢燕憶我二十
年前青樓紅豆不數司空慣條忽於今頭半白

逢日風流重見，獨對芳筵。同傾綠酒，醉覺柔腸
轉。英雄老矣，看他餘子，何限。

巫山一段雲

雨中簡蘭次庸丘

倚杖清宵立，攤書白晝眠。一船歌吹晚驚天。
人在綠蘿邊。水滿河堤，漲風高草閣，寒紗慙紈。
扇小屏山，身閒即是仙。

水調歌頭

雨中簡姜學在

夏淺勝春日風高送暑時
西山爽氣如許槐柳
蔭東籬萬柄綠荷香
盡一郡荆榛雲影天與
西
修眉若鵲花間集我
鐏鬢邊絲魚吞浪鴈
喚
雨鵲翻枝張融陸處
非屋虹渴飲清池堪
笑
竿老叟強弄人間興
廢白首出鱗谿斗大
黃金

印不換一篇詩

臨江仙

題吳園次秋泛圖

上谷自宜仁祖乘槎偶學張騫
鰲頭黃帽日高眠
桴香紅藕地
鄣袖白蘋天
汀鷺鷺飛江外
湘娥笑出花前
風流應繼杜樊川
杯深秋潋灩
笛冷月嬋娟

水龍吟

贈茗川茅天石為余西跨牛園

一溪苔葉如雲風流共許茅天石
胷中丘壑手
中造化春華秋實巧侶邊鷺工同
周昉一時無
敵況吟成五字掾稱三語枯樹賦
真蕭瑟對
此江山花鳥最關情須髯如戟可
中庭下月明
天淡相逢今夕我跨青牛君騎白
鳳迢迢雙屐

算年來只有樊川杜牧與君膠漆

朝中措

贈吳園次首句用劉隨州詩

菊花能醉去官人從此是閒身
三畝五湖如夢
十季一覺傷神
竹枝瀟灑梧桐孤直石文嶙
峴子野停車吹笛
季鷹風起思尊

阮郎歸

前題

贈吳園次首句用劉長卿

菊花能醉去官人
牽船住水濱
爵林多石未為
貧東籬好結隣
傾竹葉卧花茵
淺波采白蘋
玉缸香撲洞庭春
呼童整葛巾

余澹心懷江山集今所見者凡四種一平生蕭瑟詩有虞
山某、序吳郡葉襄序及余自序一三吳遊覽志則
吳駿公偉業序之一楓江酒船詩則姜如須垓序之一
梅花詩亦自序王蘭泉司寇國朝詞綜云有秋雪
詞二卷曾見馬二槎上舍藏有澹心手鈔玉琴齋詞
精絕無倫有梅村祭酒題云、又有尤西堂侍講題
云：皆真跡也案澹心有味外軒稿板橋雜記茶史
曹倦圃侍郎洛靜惕堂文集中有題澹心雜錄序
一首則其所著當不止此澹心詞流傳甚少今附錄數

著手左

附錄

四十九歲感遇詞六首并序

桂枝香 和王介甫

念奴嬌 和蘇子瞻

水龍吟 和陸放翁

永遇樂 和辛幼安

沁園春 和劉後村

摸魚兒 和辛幼安

右海甯蔣光煦東湖叢記一則

見卷五

按此四冊舊未標識前後觀自壽諸作當以有序

者為首冊次山花子

為李雲四侍兒作

一冊次水調歌頭一冊次

山花子

懷園次西湖


一冊顧孫兩跋偶書在第二冊讀者勿因

此謫其次序時乙丑八月

豹人屬錄蔣氏語因記

獨讀鬢持老人板橋謀記一字一珠一字一淚非尋常說部
而味外軒沾不多見感舊集選錄約在強指、外且
閩宋人之空山卷手老奔逸初枯娛而與金陵雜訪相輝
映先有板橋廣成兩跋亦有思適年過壯記亦手書墨
妙得月白極好繫以廣其仿實藝林奇蹟也初者寓
霽後觀鴻秘今年第一張福平光緒十五年四月十日仁和
許增謹志時年六十六歲

題玉琴齋詞後



落拓青衫豔俊遊金樽檀板醉高樓
留將家國興亡淚付與秦淮曲水流
舊院春風憶老鬢
澹心別語
鬢詩居士玉琴聲澈暮雲間
白頭庾信腸堪斷黃葉江南一片山

十六年十月 蒲陽張琴治如甫初業

澹心先生蕭水南人游金陵太學國變後流寓下邳著書甚多時
擬使余所鈔有茶史顧林東山談苑諸卷 治如不志

吾友柳君翼謀主金陵圖書館出
所藏余澹心玉琴齋詞若干卷為
澹心手抄本將付諸石印過澥特
示余蓋世所未經見者也澹心獨
以板橋雜記題於世按杭州丁氏
善本書室藏書志題其玉琴齋

詞稱別有味外軒稿板橋雜記茶
史又蔣光煦東湖叢記稱澹心
江山集今所見者凡四種一平生蕭
瑟詩一三吳游覽志一楓江酒船詩
一梅花詩而皆不及其所撰東山
談苑東山談苑者為余家舊藏

抄本筆致嫺雅疑以澹心所手錄
早歲侍先公居長沙曾用坊肆鉛
製字印行今垂五十年矣印稿既
散盡原抄本亦失去然可知澹心生
平撰著未列著錄者或尚有他
書翼謀耽奇嗜古僅續有所

獲並為流傳六書生好事作
癡之私幸也戊辰伏日散原
老人陳三立題記



益山圖書館藏玉琴齋詞四帙其藏弁源流詳

東湖叢記及丁氏善本書室藏書志按清詞綜

續清詞綜均稱余懷著有秋雪詞王選錄浣溪

紗憶秦娥二闕姚選錄轉應曲浪淘沙閨二虞美

人水調歌頭凡五闕送其年歸荆溪之水調歌

頭不載此稿中

六代興亡地分斗各茫然長松落千尺黛色直參天山龍蛇

蜿蟺山下樓臺縹緲白石湧清泉玉笛吹花水
銀甲卸尊前徐娘老秋娘病倩誰憐憐君湖

海豪氣彩華撼風煙我有新詞麗句自付雪兒
紅豆不必萬人傳惜別在今日相見是何年

餘詞亦多異同作隋家宮殿已煙消憶秦娥鶯

兒聲喚稿本作何堪驚喚轉應曲稿本作調笑

令浪淘沙人日看梅花閑香凝冰雪影橫斜稿

本作香雲冉冉影橫斜酒暈土潮心自醉稿本

作酒暈生潮人欲醉浪淘沙寒月同曹子願登

千人石關虎丘片石晚蒼蒼疑此本尚係六句

前手稿蘭泉蒞汀所見之秋雪詞則晚年定本

歟此稿書法清挺後稍率易然仍亦亦有神彩

古今詞話載龔芝麓曰澹心余子鶯才絕豔吐
氣若蘭而擗管題詞直舉淮海之旗奪小山之
筆尤為定評不獨墨妙可寶也續疑年錄据尤
西堂宮閨小名錄推澹心生年為萬歷四十四
年丙辰今據其詞自四十九歲感遇之作繼有
五十進酒詞五十一歲自壽詞五十加三自壽
詞蓋編年體也五十一歲自壽詞後有百字令

題下未四月重游西湖又水龍吟序有乙巳六月游武林丙午避暑吳興丁未休夏靈巖今年歸白下棲故廬諸語五十三歲自壽詞則與祝吳梅村六十詞相接梅村生明萬歷三十七年己酉澹心少梅村七歲適為萬歷四十四年丙辰生甲申鼎革財廿九歲至康熙四年乙巳年五十丙午五十有一丁未五十有二戊申五十

有三可為續疑年錄增一確證五十進酒詞序
謂與寇萊公同日生五十加三自壽詞亦云明
日中元今朝修禊民國十七年戊辰中元影印
適竣爰為題記鎮江柳詒徵

玉琴齋詞

序稿本

中標本一葉齋先生藏

下却余懷空手懷

前月與余極村序題入尤個序皆真蹟游心別自味外新松枝樹離此茶文以玉琴乃刊出故為
二接外難生沐戴一東湖紫泥方不懷一印東實味外新松枝及懷才曾為紫泥樹長白款松之望
希昌齋詞卷九